



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՀԱՆՐԱՅԻՆ ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ ՀԱՆՁՆԱԺՈՂՈՎ
ՈՐՈՇՈՒՄ**

16 մարտի 2011 թվականի №94Ա
քաղ. երևան

**«ՈՐՈՏԱՆԻ ՀԻԴՐՈԷԼԵԿՏՐԱԿԱՅԱՆՆԵՐԻ ՀԱՄԱԼԻՐ» ՓԱԿ ԲԱԺՆԵՏԻՐԱԿԱՆ
ԸՆԿԵՐՈՒԹՅԱՆԸ ՊԱՏԿԱՆՈՂ «ՇԱՄԲ», «ՍՊԱՆԴԱՐՅԱՆ», «ՏԱԹԵՎ»
ՀԻԴՐՈԷԼԵԿՏՐԱԿԱՅԱՆՆԵՐԻ ՎԵՐԱԿԱՆԳՆՄԱՆՆ ՈՒՂՂՎԱԾ ՆԵՐԴՐՈՒՄՆԵՐԻ
ՄԱՍԻՆ**

Հաշվի առնելով Հայաստանի Հանրապետության և Գերմանիայի Դաշնային Հանրապետության կառավարությունների միջև 2005 թվականի դեկտեմբերի 9-ին, 2008 թվականի մայիսի 16-ին և 2010 թվականի մարտի 16-ին կնքված ֆինանսական համագործակցության վերաբերյալ համաձայնագրերը, Գերմանիայի Դաշնային Հանրապետության վերականգնման վարկերի բանկի (KFW բանկ), Հայաստանի Հանրապետության ֆինանսների նախարարության և «Որոտանի հիդրոէլեկտրակայանների համալիր» փակ բաժնետիրական ընկերության միջև 2010 թվականի հոկտեմբերի 20-ին կնքված «Վարկի տրամադրման և նախագծի ֆինանսավորման մասին» վարկային պայմանագրերը, ինչպես նաև Հայաստանի Հանրապետության կառավարության և «Որոտանի հիդրոէլեկտրակայանների համալիր» փակ բաժնետիրական ընկերության միջև 2010 թվականի դեկտեմբերի 15-ին կնքված «Որոտանի հիդրոէլեկտրակայանների համակարգի վերականգնում» վարկային ծրագրի ֆինանսավորման մասին ենթավարկային պայմանագիրը (այսուհետև՝ ենթավարկային պայմանագիր), որի շրջանակներում «Որոտանի հիդրոէլեկտրակայանների համալիր» փակ բաժնետիրական ընկերությանը պատկանող «Շամբ», «Սպանդարյան» և «Տաթև» հիդրոէլեկտրակայանների վերականգնմանն ուղղված մինչև 51 000,0 հազար եվրոյին համարժեք դրամի (առանց ավելացված արժեքի հարկի) ներդրումները հանդիսանում են Հայաստանի Հանրապետության կառավարության միջնորդությամբ ստացված արտոնյալ վարկային միջոցների հաշվին իրականացված ներդրումներ և հիմք ընդունելով «Էներգետիկայի

մասին» Հայաստանի Հանրապետության օրենքի 17-րդ հոդվածի 1-ին մասի ժդ) կետը՝ Հայաստանի Հանրապետության հանրային ծառայությունները կարգավորող հանձնաժողովը **որոշում է.**

1. Սահմանել, որ «Որոտանի հիդրոէլեկտրակայանների համալիր» փակ բաժնետիրական ընկերությանը պատկանող ««Շամբ», «Ապանդարյան» և «Տաթև» հիդրոէլեկտրակայանների վերականգնման նպատակով Ենթավարկային պայմանագրի շրջանակում տրամադրված մինչև 51 000,0 հազար եվրոյին համարժեք դրամի (առանց ավելացված արժեքի հարկի) վարկային միջոցների վերադարձը կապահովվի սակագնի հաշվարկում դրանց սպասարկման և մարման ծախսերը ներառելու միջոցով՝ ըստ Ենթավարկային պայմանագրի 3-րդ հոդվածում ամրագրված պայմանների:
2. Սույն որոշումն ուժի մեջ է մտնում ստորագրման պահից:

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱՆՐԱՅԻՆ
ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ
ՀԱՆՁՆԱԺՈՂՈՎԻ ՆԱԽԱԳԱՀ՝**

Ռ.ՆԱԶԱՐՅԱՆ

ք. Երևան
16 մարտի 2011թ.
Ժամը 16⁰⁰